

Visoki predstavnik Inzko na otvaranju Sajma poduzetništva i obrta u Gračanici



Visoki predstavnik Valentin Inzko boravio je danas u Gračanici gdje je posjetio 7. međunarodni sajam poduzetništva i obrta "GRaPos-EXPO".

"Ovogodišnji moto Sajma u Gračanici – Budućnost se ne očekuje, ona se gradi – šalje snažnu poruku svima u BiH: političarima, ali i običnim građanima. Poboljšanje poslovne klime u BiH putem reformi i inicijativa okrenutih ka poslovanju i dalje ima ključni značaj za investicije i razvoj poslovanja, a time se rješava i jedna od najvećih slabosti BiH: visoka stopa nezaposlenosti. Bolja budućnost se može izgraditi, a manifestacije kao što je "GRaPos-EXPO", koje doprinose boljoj poslovnoj klimi, jačanju poslovne saradnje i uspostavljanju boljih kontakata, što vodi ka novim ugovorima i projektima, važan su korak na tom putu", rekao je visoki predstavnik.

Tokom svoje posjete, visoki predstavnik se sastao s predstavnicima brojnih firmi i sa načelnikom Općine Gračanica, Nusretom Helićem.